

七世祖廬山府君實錄

七世祖諱競

老諱一號廬山淮州知府諱之子也官

敬孫

授開州刺史大夫先世義門至唐僖宗朝已六世未

分長幼七百餘口不畜婢妾人無間言每食必羣坐

廣堂未成童者別爲一席有犬百餘共一牢食一犬

不至諸犬亦皆不食建書樓以延四方之士鄉里率

化宋太平興國七年恩恤義門勅免沿徵物色徭役

欽承朝渥里閭光輝至公之世子姓益眾淳化元年

江州知州唐馘奏允每歲貸粟二千石至道三年賜

御書三十二卷並眞良家三大字命造御書樓賜匾

曰玉音又賜知守宗希彥成延繼公汝才思十二字
以爲世次排行流芳不息慶厯四年宣公入朝賜御
雀醇酒使舉家三千七百餘口一一遍知其味是時
義居應舉而登科者四百有三人廊署之在朝者琛
遜而下十有八員當路刺史司馬參軍縣令者珪璫
而下二百有九員簪纓纍纍指不勝屈於戲何其盛
也伊古以來世家大族聲施爛如者有之然或一再
傳而家漸式微箕裘莫紹豈非以保世滋大篤慶錫
光戛戛乎其難之公則丕承先緒佑啟後昆合三千
七百餘口之子若孫濟濟一堂共敦孝義宜乎疊膺

綸綍式化里閭朱子云唐虞有君臣成周有父子陳
蔡有師弟江州有兄弟誠哉是言也至今查閱老譜
合稽史書不禁穆然深思畢然高望云